

Kukanisa Mabé Buku na Nzambe - Bad Mind Scriptures

Ebandeli 26:35 Isaka na Rebeka bazalaki komona motema mpasi na ntina na bango.

KozongelaMibeko 28:65 Na kati ya mitinda wana, bokozala kimia te, bokozwa ata esika ya kofanda te. Kuna, Nkolo akomonisa bino motema mpasi, bokozala bilongi mawamawa mpe bokotungisama na motema.

Ruta 1:8 Naomi alobaki na bango: "Bozonga, motu na motu akende epai ya mama na ye. Nkolo asalela bino bolamu, ndenge bino mpe bosalaki yango epai na ngai mpe epai ya mobali mpe bana na ngai oyo bakufaki.

2 Samuele 17:8 Oyebi malamu ndenge tata na yo mpe batu na ye bazali: bazali basoda ya makasi, mpe basiliki mabe lokola urisi oyo abungisi mwana na ye na zamba. Mpe lisusu lokola tata na yo ayebi malamu makambo ya bitumba, akolala esikamoko na batu nyoso te.

Maloba Mayele 21:27 Nkolo ayini makabo oyo batu mabe bapesaka ye, mpamba te bapesaka yango na motema mabe.

Maloba Mayele 29:11 Zoba abimisaka nkanda na ye nyoso, kasi motu ya mayele akangaka motema mpe akitisaka nkanda.

Ezekiele 23:17 Bongo batu ya Babelona bayaki epai na ye mpo na kolala na ye mpe bakumisaki ye mbindo na makambo na bango ya kindumba, nsima na yango alembaki na bango.

Ezekiele 36:5 "Nkolo Nzambe alobi boye: Ya solo kati na moto na zuwa na ngai, nazali kosolola na ntina na bikolo mosusu mpe na ntina na Edome mobimba, oyo bakumisaki mboka na ngai mosolo na bango, na esengo nyoso na motema na bango mpe na molimo na bango ya komona makambo mpamba, mpo na kobotola biloko na yango.

Ezekiele 38:10 Nkolo Nzambe alobi boye: "Na mokolo yango, makanisi ebele ekoyeela yo na mutu, mpe okobanda kokanisa kosala misala moko ya mabe.

Daniele 5:20 Kasi ntango abandaki komitombola mpe akumaki na lolendo, balongolaki ye na kiti ya bokonzi mpe lokumu na ye esilaki.

Luka 12:20 Kasi Nzambe alobaki na ye: 'Yo zoba! Na butu na lelo oyo okokufa. Nsimi yango, biloko nyoso osili kokongola mpo na yo mpenza ekozala mpo na nani?"'

Baroma 1:28 Lokola baboyi koyeba Nzambe, ye asili kotika bango kati na makanisi na bozoba mpo na kosala makambo oyo ekoki te basala.

Baroma 8:6,7 Kokangana na makambo na nzoto ezali kopesa kokufa, kasi kokangana na makambo ya Molimo ezali kopesa bomoi mpe kimia. 7 Mpamba te batu na kokangana na makambo na nzoto bazali banguna na Nzambe, batosaka mobeko na Nzambe te, bakoki mpe kotosa yango te.

Baroma 11:20 Ezali solo bakataki bitape yango mpo ezangaki kondima, mpe ozali na esika yango mpo ozali na kondima. Kasi keba mpo na motema

na lolendo! Banga!

2 Bakorinto 11:3 Kasi nazali na kobanga soki mayele na bino epoli mpe bokotika kondima na bino na kokangana na Kristo, lokola Eva atikaki kondima mpo na kolanda lokuta na mayele na nyoka.

Baefeso 2:3 Biso nyoso tozalaki kolanda mposa na batu, tozalaki kosala lokola mikano na biso elingi, tozalaki kosala makambo lokola nzoto na biso mpe molimo na biso elingi. Mpo na ezaleli mabe na biso, esengeli tozwa nkele na Nzambe lokola batu mosusu.

Baefeso 4:17 Bongo na nkombo na Mokonzi oyo ezali likambo nalobi mpe natelemi makasi likolo yango: botambola lisusu te lokola bapakano oyo bazali kolanda makanisi mpamba na bango mpenza,

Bakolosai 1:27 Mpo Nzambe alingaki koyebisa bango likambo oyo ebombami, bobele likambo na misolo mingi na nkembo oyo ezali na ye mpo na batu nyoso. Likambo ebombami yango ezali oyo: Kristo azali kati na bino, mpe ye apesi bino elikia ete bokozwa nkembo na Nzambe.

Bakolosai 2:18 Botika motu moko te kosambisa bino, motu oyo alingi mingi kolanda likambo na komitia na nse, mpe losambo na baanzelu, oyo amoni kolota na ye lokola likambo monene. Motu ndenge yango azali kotonda na lolendo mpamba mpamba, mpo na ndenge na makanisi na ye na motu.

1 Batesalonike 5:14 Tosengi bino, bandeko, bokebisa batu na goigoi, boyikisa mpiko na batu na kobanga, bosunga batu petepete, bozala na motema molai epai na batu nyoso.

1 Timoteo 6:5 mpe ntembe na kosila te kati na batu oyo bazali na makanisi malamu te mpe bayebi lisusu te makambo ya solo. Batu ndenge oyo bakanisi losambo ezali nzela na kozwa mosolo.

Tito 1:16 Bazali koloba bayebi Nzambe, kasi mosala na bango eboyi ye. Bazali batu mabe koleka, batomboki, bakokani kosala mosala malamu moko te.

Baebere 12:3 Bokanisa ye, na ndenge oyo ye amemaki koyina na batu na masumu. Boye, botika likambo na koleka bino te, mpe bozala na motema makasi.

Yakobo 1:8 mpo ye azali na motema mibale koyeba solo te nini ye akosala kati na bizaleli nyoso na ye.

2 Batesalonike 2:2 botika likambo moko te na koningisa makanisi na bino nokinoki to na kobangisa bino ete mokolo na Mokonzi esili kokuma. Ezali lokola motu alobaki na bino na monoko na nebi to na kosakola, soki batu balobaki na bino ete tokomaki yango na mokanda.